



Ulloq 16. August 2022

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Eqqartuussinermi aalajangiinermut tapiliullugu akerleriinnik isumaqatigiissitsiniartarnek pillugu suliamik aallartitsinissaq, ukiuni pingasuni misiliutitut, sumut killippa? (Kalaallit Nunaanni eqqartuussisarnermik inatsist § 319 malillugu)**
- 2. Kalaallit Nunaanni Politiit Kalaallit Nunaannilu eqqartuussiviit saniatigut attuumassutillit, oqartussat ilisimasallillu kikkut misiliutitut aqqissuussinissamut sinaakkusiinissamut siunnersuuteqaqqullugit akuutinneqarpat ?**
- 3. Innersuussutit siunnersuutilluunniit qanoq ittut attuumassutilinnit taakkunannga, oqartussanit ilisimasalinnillu apuunneqarpat?**
- 4. Naalakkersuisut Justitsministerianut misiligutaasumik aqqissuussinissamik suliaqartoqarnissaa pillugu saaffiginninnerminni innersuussutit siunnersuutilluunniit soorliit ilanngussimavaat?**
- 5. Naalakkersuisut qanoq suliami matumani Inatsisartut akuutissimavaat?**

(Inatsisartunut ilaasortaq Asii Chemnitz Narup, Inuit Ataqatigiit)

Tunngavilersuut:

Konfliktråd/akerleriinnik isumaqatigiissitsiniartarneq Inatsisartuni ukiakkut 2020-mi eqqartorneqarpoq. Naalakkersuisut UKA 2020/98-mut akissuteqaatimini ilaatigut ima allapput:

“Eqqartuussiveqarneq pillugu Ataatsimiititaliarsuup innersuussutai tunngavigalugit Inatsisinut Ataatsimiititaliaq 2006-imi isumaliutissiisummik tunniussaqqarpoq, tassanilu Inatsisinut Ataatsimiititaliaq akerleriissuteqarnermi isumaqatigiinniartarneq pillugu misiliutitut aaqqissuussinermik ingerlatsinissamut assut isumaqataavoq. Tamatuma kingorna eqqartuussisarnermut inatsimmi nutaami § 319-imi aalajangersakkamik nutaamik ilanngussisoqqarpoq, tassanilu allassimavoq Justitsministeria Kalaallit Nunaanni Namminersorlutik Oqartussanik oqaloqateqareerluni akerleriissuteqarnermi isumaqatigiinniartarnissamut misiliutitut aaqqissuussinermik aallartitsisinnaasoq. Eqqartuussinermi aalajangiinermut taarsiullugu eqqartuussinermiluunniit aalajangiinermut tapiliullugu akerleriinnik isumaqatigiissitsiniarneq pillugu misiliutitut aaqqissuussineq aallartinneqarsinnaavoq. Misiliutitut aaqqissuussineq aallartinneqassanersoq aallartinneqassappallu qanoq isikkoqarluni aallartinneqarnissaa pillugu misiliutitut aaqqissuussinerup Justitsministerianit aallartinneqannginnerani Kalaallit Nunaanni Eqqartuussiveqarneq pillugu Siunnersuisoqatigiinnit oqaaseqaatinik pissarsiniartoqassasoq naatsorsuutigineqarpoq. Tamanna tunngavigalugu Kalaallit Nunaanni Eqqartuussiveqarneq pillugu Siunnersuisoqatigiit aqutsisoqatigiinnik pilersitsipput, taakkulu Kalaallit Nunaanni pissutsinut immikkut naleqqussarneqarsinnaasumik misiliutitut aaqqissuussinermik inassuteqaasiortussaapput. Naalakkersuisut Justitsministeriallu akornanni oqaloqatigiinnerit arlallit oqartussaasut attuumassutillit peqataaffigisimasaat, soorlu Kalaallit Nunaanni Politiit Kalaallit Nunaannilu eqqartuussiviit, tunngavigalugit Naalakkersuisut 2020-mi apriliimi Justitsministerianut saaffiginnissuteqarsimapput, tassanilu nalunaarummik ukiuni 3-ni

misiliutaasumik aaqqissuussinermik imaqartumik suliaqartoqarnissaa pillugu qinnuiginnittoqarsimavoq, tassanilu eqqartuussinermi aalajangiinermut akerleriissuteqarnermi isumaqatigiinniartarnissap ilaanissaa aamma ilanngunneqarsimalluni.”

Suliap killiffianik paasisaqarusullunga aamma ulloq manna tikillugu suleriaaserineqarsimasoq paasisaqarfigerusullugu apeqqutit qulaani allatakka Naalakkersuisunut ingerlateqqippakka

Kissaatigaara apeqqutit ullut suliffiusut qulit qaangitsinnagit akineqarnissaat.